



Ilaqutariinnermut Peqqissutsimullu Ataatsimiitsitaliaq
Inatsisartut
Postboks 970

05-11-2025
Sags nr. 2025-23136
Akt. id. 25933852

Postboks 970
3900 Nuuk
Tlf. (+299) 34 50 00
Fax (+299) 34 63 64
E-mail: isn@nanoq.gl
www.naalakkersuisut.gl

UKA2025/87 aamma UKA2025/93-mut apeqqutitut akissuteqaatit

Asasara Ilaqutariinnermut Peqqissutsimullu ataatsimiititaliaq, siullermik qjarusuppunga apeqquteqaatissinnut.

1. “Utoqqarnut tapiissutit pillugit inatsit” saqqummiuteqqinneqarnera qanoq allannguuteqassava, matumani ilanngullugu inatsisip nutaap utoqqaat sullinneqarnerat pitsaanerulersissavaa?

Akissut 1a)

Isumaginninnikkut Suleqatigiinnermi Oqalliffiususaaq 11-12 november 2025 Nuummi pisusaaq siullermeerluni ataatsimiissaaq. Utoqqarnut inatsisissaaq sukumiisumik sammineqartussaavoq, itisiliilluni oqallittoqassalluni. Tamatuma kingorna kommunit tamarmik utoqqarnut neqerooruteqarnertik sullissinertillu saqqummiuttussaassavaat, kiisalu utoqqarnut inatsisissamut tunngatillugu kissaatitik pillugit oqallittoqarluni.

2. Immikkoortunut marlunnut Naalakkersuisut allannguutissatut siunnersuutaanni 2027-mi ukiakkut piffissalersimagaat ataatsimiititaliamit maluginiarneqarpoq, taama piffissaliineq tunngavilersorneqassasoq ataatsimiititaliap kissaatigaat? UKA2027 nallertinnagu inatsisissatut siunnersuutip naammassineqarnissaa periarfissaqarpa?

Akissut 2a)

Utoqqarnut inatsisissatut siunnersuutip saqqummiunnissaanut Naalakkersuisunut pingaaruteqarlunnarpoq utoqqarnut inatsisissamut suliaassanik suliarinnittarneq naapertorlugu kommunit suliamik kivitinnissaannut piumasaqaatit naapertuuttumik piviusorsiorpalaartumillu naleqqussarnissaat. Tamanna aatsaat piviusunngortissinnaavoq kommunit qanimut oqaloqatiginerisiugt paasisutissanillu pingaarutilinnik avitseqatigiinnikkut. Naalakkersuisut utoqqarnut inatsisip nutaap suliarineqarnissaa salliutippaat, aamma UKA 2027 sioqqullugu saqqummiussisinnaaneq misilinniarlugu. Taamaattoq erseqqissassallugu pingaaruteqarpoq, inatsisip saqqummiutinnginnerani suliarilluarneqarnissaa. UKA2024-mut inatsisilerinermik aamma inatsisilerinernut allanut misilittakkat takutippaat, siunnersuummik sukkannerusumik saqqummiussinermut kingornalu ataatsimiinnerni tulliuttuni allaleriarluni allannguutitik suliaqartoqarneranut taarsiullugu,



inatsisilerinnermi piffissaagallartillugu peqqissaarnissaq pisariaqartoq. Taamaattumik Naalakkersuisut suliaqarnissamut piffissaliussaat sivisuneruvoq. Inatsisiliornermi sulineq sunniuteqarluarpat Naalakkersuisut UKA2027 sioqqullugu saqqummiussissapput.

3. Kommunit inatsisitigut utoqqaat pillugit siunnersuisooqatigiivnik pisussaaffiliisoqassagaluarpas qanoq aningaasalersorneqarsinnaassagaluarpas?

Akissut 3a)

Isumaginninnikkut Suleqatigiinnermi Oqalliffiup Nuummi 11-12 november 2025-mi kommunit peqatigalugit ingerlanneqartussami, utoqqarnut siunnersuisooqatigiinnik pilersitsinissamut tunngavissaq oqallisigineqassaaq. Akissuteqaammittaaq UKA2025_87_93-miittumi akiisuteqaammi allannguutissatut siunnersuusiortnerani ima allaqqasoqarpoq "Utoqqaat tapersersorneqarnissaat pillugu inatsisissami utoqqaat siunnersuisooqatigiit inatsisiliornermut ilanngullugu suliarineqarsinnaaneranut periarfissap misissorneqarnissaanik Naalakkersuisut peqquneqassasut. Aningaasaqarnikkut kingunerisassai pisariaqartitsinerlu kommunit peqatigalugit naleqqussarneqassapput"

Utoqqarnut siunnersooqatigiivi assigiinngitsutigut aaqqissorneqarsinnaavoq. Tassani Naalakkersuisut pingaartilluinnarpaat kommunit qanoq kissaateqarnersut tusaaniassallugit. Kommunit ilaasa inoqarfillu ilanngullugit inuttussusaat, nunataalu isorartuumik inissisimapput, pinngitsooranilu aningaasartuutaanerusussat pillugit kommunit assigiinngiaartorujussuarmik inissisimanerat peqqutaalluni eqqartueqatiginissaat pisariaqarluinnarluni.

4. Siunnersuutaqqaartunut marluusunut Naalakkersuisullu allannguutissatut siunnersuutaannut saqqummiunneqartunut Naalakkersuisut allanik oqaasissaqarpat?

Akissut

4a)

Isumaginninnikkut Suleqatigiinnermi Oqalliffiusussami 11-12 november 2025 nuummi pisussami, Utoqqarnut Inatsisissaq sukumiisumik sammineqarnerani Naalakkersuisut angorusuppaat utoqqarnut Inatsisissap kanngiffigisinnaasai qulaarneqarnissaat, inatsisissallu piffissaq sukanerpaaq atorlugu ingerlasinnaanissaanut neriuutigalugu qulakkeerneqarnissaa.

Isumalluarpungalu ullut taakku angusaqarfiullumaartut.

Med venlig hilsen


Bentiarag Ottosen